



Universitätsbibliothek Paderborn

**Theses Theologicae In quibus exhibentur quaedam
Observationes circa aliquot ex LXV. Articulis A
Sanctissimo Domino Nostro Innocentio XI. Condemnatis**

Huygens, Gommarus

Lovanii, [1684?]

Conclusio Prima. In anterioribus Thesibus clare demonstratum est, quod per Decretum prohibens 65. Propositiones, Lovanienses non sint condemnati, sed eorum Adversarii.

urn:nbn:de:hbz:466:1-40484

CONCLUSIO PRIMA.

In anterieribus Thesibus clare demonstratum est , quod per Decretum prohibens 65. Propositiones , Lovanienses non sint condemnati , sed eorum Adversarii.



N^o Thesibus Historico-Theologis 7. Octobris superiori anno defensis ostidimus imprimis generatim de 65. Propositionibus , quas proscriptit SS. D. N. Innocentius XI. quod per harum condemnationem non Lovanienses , sed eorum Adversarii sint condemnati. Deinde argumentum istud speciatum prosecuti sumus circa 12. primas ; nunc idem agendum foret circa reliquas , nisi per anteriores Theses istud jam adeò esset manifestum , ut pro certo habeamus quod Adversariorū nullus posthac amplius audiatur , saltem palam , edicere quod per Decretum 65. Propositionum Lovanienses (quod antè conati fuerant multis persuadere) sint condemnati ; siquidem ex illis nostris Thesibus cuilibet patet quod Lovanienses pro 65. Propositionum condemnatione obtinendā egerint , eamque reipsā impetraverint ; quodque pro illa jam obtenta Sanctissimo Domino gratias egerint. In iisdem nostris Thesibus ostensum est ex Memoriali Hispanico & Specimine quodam per ipsos Adversarios editis , eos quantum potuerunt laborasse ac instituisse , ne illarum Propositionum ulla ad sollicitationem Lovaniensem proscriberetur : ergo non Lovanienses , sed Adversarii per Decretum 65. Propositionum suntcondemnati. Præterea ex horum doctrina , qua docent non oportere ut semper ex charitate vivamus , ac proinde licere ut ex cupiditate , non paucæ illarum Propositionum sunt natae. Per aliam eorundem doctrinam , quam veluti principium sibi statuerunt , de usi tcelicet probabilitum , Propositiones istæ sunt confirmatae. Per tertiam eamque rursus fundamentalem ipsorum maximam , quod scilicet gratia sufficiens omnibus etiam scelestissimis & nihil de Deo cogitantibus semper adsit , quedam illarum Propositionum natae , quedam stabilitæ videntur , dum præcepta Dei per Adversarios eousque emolliuntur , enervantur & inflectuntur , ut homines etiam ita indispositi iis adimplendis sine ulteriori Dei auxilio tandem sufficiant. Hæc in dictis nostris Thesibus latius ostensa sunt ; prout etiam , quod ex tribus famosis Lovaniensium principiis , de Deo ut Fine cordis & actionis , de Deo item ut monum Regulā , & similiter de Deo ut Principio effectivo ratione gratiæ per se efficacis , propositiones condemnatae nec nasci , nec stabiliri potuerint : quin potius quod per nostra principia , ac potissimum per primum de Deo ut fine , defruantur. Deinde in iis nostris Thesibus probavimus , quod 65. Propositiones non sint conformes Scripturæ S. SS. Patribus , ac potissimum Augustino , quorum lectionem plurimū commendant Lovanienses ; sed quod recentioribus quibusdam Theologis ac Casuistis conformes sint , quorum lectionem mirè commendant Adversarii. Denique toti mundo notum esse quod Lovanienses ab Adversariis non de nimia laxitate , sed de intolerabili , ut aiunt , rigore accusentur. Jam verò nemini dubium est , quin 65. Propositiones omnes omnino , nullā prorsū exceptā , ob nimiam laxitatem sint proscriptæ. Hæc in sèpè dictis nostris Thesibus dilatata , declarata & probata Lector reperiet , ut proinde frustraneum existimus circa reliquas 65. Propositionum eandem conclusionem , quod nimis non Lovanienses , sed eorum Adversarii sint condemnati , singulatim iterum probare. Quare occasione decimæ-tertiæ propositionis & aliquot sequentium conabimur utilem circa varias illarum materias doctrinam tradere , unde etiam adverti poterit quanto intervallo Lovaniensium Theologia Moralis distet à morali Adversariorum.

CON-